



**VIJEĆE KONGRESA  
BOŠNJAČKIH INTELEKTUALACA**  
COUNCIL OF THE CONGRESS  
OF BOSNIAC INTELECTUALS

Bosna i Hercegovina-Federacija Bošnjačkih Intelektualaca  
Kanton Sarajevo - GRAD  
GRADSKO Vijeće  
PRIMLJENO: 20. 01. 2021  
Org. jed. broj: Priloga  
01-04-04-43/21

GRAD SARAJEVO

Gradsko vijeće Grada Sarajeva

Komisija za izbor i imenovanje

n/r prof.dr. Velija Katica, predsjedavajući

Predmet: Prijedlog za dodjelu priznanja Počasni građanin Grada Sarajeva za ambasadora Diego Arria.

U skladu sa odredbama Odluke o priznanjima i nagradi Grada Sarajeva – prečišćeni tekst („Službene novine Kantona Sarajevo, broj: 24/2010) Upravni odbor VKBI donio je odluku kojom predlaže ambasadora Diega Arriju za priznanje Počasni građanin Grada Sarajeva.

U prilogu dostavljamo:


- Odluku Upravnog odbora VKBI o predlaganju ambasadora Diega Arrie za priznanje Počasni građanin Grada Sarajeva;
- Podaci o VKBI-u – predлагаč;
- Osnovni biografski podaci o amabsadoru Diego Arria;
- Obrazloženje prijedloga;
- Podrška prijedlogu VKBI od HNV BIH, SGV BIH, Društva za ugrožene narode sekcija BIH, gradski vijećnici Grada Sarajeva koji su podržali prijedlog

Uz izraze poštovanja,

Broj: 01-16/21

Sarajevo, 20.01.2021. godine

Predsjednik VKBI



prof.dr. Nedžad Mulabegović

CC:

Gradonačelnik Grada Sarajeva gosp. Abdulah Skaka;  
Predsjedavajući GV Grada Sarajeva dr Igor Gavrić.



**VIJEĆE KONGRESA  
BOŠNJAČKIH INTELEKTUALACA**  
COUNCIL OF THE CONGRESS  
OF BOSNIAC INTELECTUALS

Na osnovu člana 58. i 60. Statuta Vijeća Kongresa bošnjačkih intelektualaca, Upravni odbor VKBI na svojoj 4. sjednici održanoj 11.01.2021. godine, donio je

***ODLUKU***

*o predlaganju ambasadora Diega Arrie za priznanje Počasni građanin Grada Sarajeva*

I

Ovom odlukom Upravni odbor Vijeća Kongresa bošnjačkih intelektualaca **predlaže ambasadora Diega Arriju za priznanje Počasni građanin Grada Sarajeva** koja se razmatra i dodjeljuje od strane nadležne komisije i Gradskog Vijeća Grada Sarajeva u skladu sa odredbama Odluke o priznanjima i nagradi Grada Sarajeva – prečišćeni tekst („Službene novine Kantona Sarajevo, broj: 24/2010”).

II

Sastavni dio ove odluke, u skladu sa članom 13. Odluke o priznanjima i nagradi Grada Sarajeva – prečišćeni tekst, su:

- Podaci o Vijeću Kongresa bošnjačkih intelektualaca – podnositelj prijedloga;
- Osnovni biografski podaci o ambasadoru Diego Arria;
- Obrazloženje prijedloga.

III

Ova odluka zajedno sa pratećom dokumentacijom iz prethodnog člana dostaviće se Komisiji za izbor i imenovanje Gradskog vijeća Grada Sarajeva.

Broj: 01-10/21

Sarajevo, 11.01.2021. godine



predsjednica

Upravnog odbora VKBI

prof.dr. Hasnija Tuna Muratagić



**VIJEĆE KONGRESA  
BOŠNJAČKIH INTELEKTUALACA**  
COUNCIL OF THE CONGRESS  
OF BOSNIAC INTELECTUALS

*Udruženje Vijeće Kongresa bošnjačkih intelektualaca* osnovano je u najturbulentnijem periodu odbrane Bosne i Hercegovine 22. decembra 1992. godine, u opkoljenom Sarajevu, na inicijativu intelektualaca i tadašnjeg državnog rukovodstva Republike Bosne i Hercegovine, pod nazivom Vijeće Kongresa bosansko-muslimanskih intelektualaca. Osnivačkoj skupštini Vijeća prisusutvovalo je više od 800 delegata iz reda najeminentnijih intelektualaca, privrednika, kulturnih djelatnika, državnih funkcionera, kao i brojnih gostiju iz svih vjerskih zajednica, funkcionera Republike BiH iz svih naroda. Vijeće je, uz ostale društvene organizacije bošnjačke provenijencije i uz podršku funkcionera iz tadašnjih organa Republike Bosne i Hercegovine, bilo nosilac organizacionih aktivnosti održavanja I Bošnjakog Sabora, koji je održan u opkoljenom Sarajevu 27. i 28. septembra 1992. godine, na kojem je između ostalog, donesena Deklaracija o vraćanju nacionalnog imena naroda – Bošnjaci i našem bosanskom jeziku. Od tada Vijeće nosi naziv Vijeće Kongresa bošnjačkih intelektualaca.

Vijeće je bilo nosilac organizacije i II Bošnjačkog Sabora koji je održan u Sarajevu 18. jula 1994. godine. Na drugom Bošnjačkom Saboru donesen je zaključak kojim se VKBI ovlastio da u budućnosti, a prema potrebama, ima obavezu i pravo inicirati i organizirati buduće Bošnjačke Sabore.

U periodu 1993. i 1994. godine, organizirane su i uspostavljene i društveno-intelektualne organizacije srpskog i hrvatskog naroda, Hrvatsko narodno vijeće Bosne i Hercegovine i Srpsko građansko vijeće – Pokret za ravnopravnost, a kasnije i ANI Krug 99. Ove organizacije zajednički su djelovale na očuvanju multietičnosti Bosne i Hercegovine, kao države ravnopravnih naroda i građana, i sve do danas stoje na stanovištu temeljnih principa na kojima je moderna Bosna i Hercegovina izgrađena - ZAVNOBIH-a i Referenduma o nezavisnosti BiH od 28.02 i 01.03. 1992. godine. Zajednički ciljevi su iskazivanje kulturno-vjerskih različitosti naših naroda kao najvećeg bogatstva koju naša Domovina ima, ali i kao paradigma današnje EU.

Fokus društvenog aktiviteta Vijeća, od osnivanja do danas, jeste integracija bh društva koje je razorenog agresijom na BiH iz perioda 1992-1995. godine i fokusiranje čovjeka-građanina kao nosioca temeljnih ljudskih prava i sloboda, uz apsolutno poštivanje nacionalnih, vjerskih i kulturnih prava naroda i nacionalnih manjina. Svakako, uloga Vijeća, kao nacionalne organizacije, jeste promocija i zaokruživanje bitnih elemenata bošnjačkog nacionalnog identiteta, koju Vijeće provodi u saradnji sa temeljnim organizacijama civilnog društva u BiH bošnjačke provenijencije.

Tokom perioda 1992-2002. godine Vijeće je imalo neformalan status savjetodavne organizacije državno-političkog rukovodstva Bosne i Hercegovine, obzirom da je u svom članstvu sadržavao najistaknutije članove iz reda akademiske zajednice BiH iz reda bošnjačkog naroda, tako da nije bilo gotovo niti jednog pitanja koje je imalo širi društveni i državotvorni značaj, a da Vijeće nije bilo konsultirano po tim pitanjima. Nije nevažno napomenuti da su članovima Vijeća bili, a i danas su, nosioci najznačajnijih državnih funkcija BiH.

Kao najznačajniju društvenu aktivnost u periodu 2000-2002. godine bitno je istaći apelaciju koju je Vijeće, zajedno sa SGV i HNV, putem Predsjedništva BiH podnijelo po pitanju konstitutivnosti naroda na cijelom teritoriju BiH, po kome je naloženo od strane ustavnog suda BiH usklađivanje Ustava RS sa Ustavom BiH, čime se u pravnom smislu ostvarila ravnopravnost svih naroda na cijelom teritoriju BiH.





**VIJEĆE KONGRESA  
BOŠNJAČKIH INTELEKTUALACA**  
COUNCIL OF THE CONGRESS  
OF BOSNIAC INTELECTUALS

Tokom 2001. godine na inicijativu Vijeća, zajedno sa HNV BiH i Društvom za ugrožene narode, formirana je Fondacija Pravda za BiH, putem koje je finansirana tužba BiH vrs SR Jugoslavija, odnosno Srbije. Epilog procesa je presuda stalnog UN Suda pravde u Hagu 2007. godine, kojom je Srbija presuđena za nesprečavanje genocida. Bez ovih aktinosti bila bi upitna tužba, jer članovi Predsjedništva BiH iz reda srpskog naroda nisu dozvoljavali da se tužba finansira iz budžeta institucija BiH.

Vijeće je 2011. godine iniciralo, a kasnije zajedno sa BZK Preporod, MDD Merhamet, Bošnjačkim institutom i IZ u BiH, formiralo Fondaciju Popis 2013. Putem Fondacije vršen je monitoring Popisa stanovništva u BiH 2013. godine, održano više od 200 tribina po svim općinama u BiH gdje su učestvovali članovi akademске zajednice u BiH, pružena pravna pomoć aktivistima Agencije za statistiku, a rezultat popisa je bio da se 50,1% građana BiH izjasnilo kao Bošnjaci, čime je građanskom voljom nakon više od 150 godina, u porodicu europskih naroda vraćen narod kojem je bio oduzet identitet – Bošnjaci. Bitno je napomenuti da su se zahvaljujući ovim aktivnostima građani u procentu od 54% izjasnili da im je maternji jezik bosanski. Upravo zahvaljujući činjenici da su članovi Vijeća intelektualci različitih svjetonadzora i baštinici različitih političkih ideologija, ovaj proces je mogao biti proveden bez političkih sukobljavanja.

U kontekstu regionalne međudržavne saradnje, Vijeće je 2018. godine iniciralo uspostavu Ureda za koordinaciju bošnjačkih vijeća iz BiH, Srbije, Crne Gore, Hrvatske, Sjeverne Makedonije i Kosova (i uskoro KBSA iz Sjeverne Amerike), čime su se po prvi put nakon deytonskog mirovnog sporazuma povezala bošnjačka vijeća na institucionalan način. Bošnjaci jesu integrativni faktor u svim pobrojanim državama, i mogu bitno uticati na uspostavu dobrosusjednih odnosa između naših komšijskih suverenih država. Istovremeno, poslovi na promoviranju bosanskog jezika, književnosti i općenito bošnjačke kulture i identiteta, jasno ukazuju na procese zaokruživanja bošnjačkog nacionalnog identiteta u budućnosti, koji nikako ne može biti na uštrb ili štetu države BiH, ili bilo kojeg njenog naroda ili građanina.

Tokom više od 25 godina i rada Vijeća, tačnije od 4.9.1993. godine, održano je preko 530 javnih tribina, gdje su učesnici bili najzačajnije ličnosti iz političkog, kulturnog, privrednog, javnog i akademskog života Bosne i Hercegovine. Sa javnih tribina upućivane su konkretnе mjere, prijedlozi i aktivnosti nosiocima vlasti na svim nivoima u BiH. Jasno, Vijeće je imalo i korektivnu ulogu, iznošenjem kritika na postupke vladajućih elita za koje je cijenilo da nisu u interesu građana, države ili bošnjačkog naroda. Nebrojeno mnogo puta inicijative, stavovi i prijedlozi Vijeća prihvatanici su i ubličavani kao stavovi organa i institucija države Bosne i Hercegovine.

Tokom 25 godina postojanja Vijeće je objavilo i izdalo više od 200 knjiga, naučnih djela, i podržalo niz kapitalnih izdavačkih projekata čiji su autori bili članovi, kao i ne članovi Vijeća.

U organima Vijeća tokom 25 godina nikada nisu mogli birani predsjednici političkih stranaka, dok obavljaju tu funkciju, čime je Vijeće na jasan način napravilo distancu između političkog i društvenog djelovanja. Vijeće je ujvijek bilo korektivni faktor, prije svega bošnjačkim i pro-bosanskim političkim snagama, što je u određenim periodima imalo i refleksiju u smislu neadekvatne finansijske podrške radu i aktivnostima Vijeća.





**VIJEĆE KONGRESA  
BOŠNJAČKIH INTELEKTUALACA**  
COUNCIL OF THE CONGRESS  
OF BOSNIAC INTELECTUALS

Od 2014. godine pod pokroviteljstvom Vijeća, pod autorstvom tima prof.dr. Dževada Jahića, radi se na izradi kapitalnog djela – enciklopedijskog Rječnika bosanskog jezika. Do sada je urađeno-odštampano IX tomova, u fazi realizacije su X i XI tom, a u narednom periodu očekuje se izrada preostalih tomova. Nažalost ovaj kapitalni projekat nije naišao na potrebnu finansijsku podršku vladajućih politika u BiH.

Deklaracija za kakvu državu i društvo se zalažemo, parafirana 01.02.2018. godine, zajedno sa HNV, SGV, Krug 99, Vijećem nacionalnih manjina FBIH, La Benevolencijom, Merhametom, Preporodom i Društvom za ugrožene narode, samo je nastavak potvrde kontinuiteta djelovanja Vijeća od osnivanja do danas.

Posebnost Vijeća leži u činjenici da od registriranih 187 članova (gdje nisu ubrojani članovi koji su umrli/preselili – njih 47), više od 80% imaju naučna zvanja doktora nauka, redovnih profesora, emeritusa, od kojih je 18 članova sa zvanjem akademika. Vijeće predstavlja najbrojnije udruženje iz reda članova akademske zajednice u Bosni i Hercegovini. Posebnost značaja Vijeća, posebno u današnjim društveno političkim okolnostima, leži u činjenici da su u Vijeću prisutni i da zajednički djeluju intelektualci koji ideološki pripadaju različitim političkim organizacijama u BiH.

Bitno je istaći da tokom 26 godina rada i djelovanja svi članovi u organima Vijeća svoj aktivitet obavljaju na volonterskoj osnovi, dok su u stručnim službama, kao tehnička lica, radni odnos zasnovale dvije osobe.

U organima i tijelima VKBI za period 2020-2023. godine imenovani su: **Predsjednik Vijeća** Prof.dr. Nedžad Mulabegović; **Generalni sekretar**; mr.sci. Emir Zlatar; **Upravni odbor**: Prof.dr. Hasnija Tuna Muratagić, predsjednica, prof.dr. Hilmo Neimarlija, zamjenik predsjednice, prof.dr. Lada Sadiković, prof.dr. Elmir Sadiković, prof.dr. Smail Čekić, prof.dr. Muriz Spahić, prof.dr. Enes Pelidija, mr.sci Edhem Bičakčić, prof. Fadila Memišević; **članovi Upravnog odbora po funkciji**: akademik prof.dr. Faris Gavrankapetanović, ispred Bošnjačkog Instituta, prof.dr. Elbisa Ustamujić, predsjednica RO VKBI Hercegovine, mr.sci. Suad Mahmutović, predsjednik RO Bosanske krajine (Bihać), mr.sci. Sejfudin Hodžić, predsjednik RO Srednje podrinje (Zvornik), mr.sci. Anita Hodžić, koordinator RO Banja Luka; **Nadzorni odbor**: prof.dr. Džemal Najetović, predsjednik, mr.sci. Edin Kazazić, Osman Mujanović, dipl.ecc; **Sud časti**: mr.sci Avdo Hebib, predsjednik, prof.dr. Ismet Dizdarević, advokat Azra Smajović; **Savjeti Vijeća**: prof.dr. Kasim Trnka, predsjedavajući Savjeta za ustavno-pravna i politička pitanja, prof.dr. Hasan Muratović, predsjedavajući Savjeta za nauku i obrazovanje, prof.dr. Dževad Jahić, predsjedavajući Savjeta za bosanski jezik i književnost, prof.dr. Mediha Filipović, predsjedavajuća Savjeta za zdravstvo i prof. Mevlida Serdarević, predsjedavajuća Savjeta za historiju i promociju očuvanja kulturno-historijskog i prirodnog naslijeđa.

Sjedište VKBI od početka je u Gradu Sarajevo, u ul. V.V.Perića 13, gdje se zakup plaća općini Centar.

Vijeće je registrovano kod Ministarstva pravde Bosne i Hercegovine.

Odlukom Gradskog vijeća Grada Sarajeva na sjednici održanoj 30.12.2020. godine VKBI je dobio status od posebnog interesa za Grad Sarajevo.



## **Ambassador Diego Arria - Biografija**

Diego Enrique Arria Salicetti rođen je 8. Oktobra 1938. u Caracasu, Venezuela.

Ambasador Diego Arria iz Venecuele je bio stalni predstavnik svoje države pri Ujedinjenim nacijama u periodu od 1991. do 1993. godine, a Predsjedavajući Vijeća sigurnosti UN-a tokom marta 1992. godine. Kao predsjedavajući Vijeća sigurnosti UN-a, inicirao je istoimenu „Arria formulu“, vrlo neformalni proces konsultacija koji omogućava članovima Vijeća sigurnosti da razgovaraju sa osobama u povjerljivom i neformalnom ambijentu. Ovim sastancima predsjedava član Vijeća koji tokom diskusije djeluje više kao moderator, a manje kao predsjedavajući Vijeća. Arria je opisao ovu formulu kao način da se osigura da članovi „moraju biti iskreni.“ Ova formula i danas se primjenjuje u UN kao Arria (formula) meetings.

Po obrazovanju ekonomista, radio je u Washington-u pri Razvojnoj banci Inter American (Inter American Development Bank) prije nego li je zakoračio u diplomatiju.

Pri Vladi Venecuele je obavljao sljedeće dužnosti: Kongresmen; Guverner Karakasa; Ministar za informisanje i turizam; prvi urednik lista Diario de Caracas; predsjednički kandidat 1978. Godine.

Nakon napuštanja Ujedinjenih nacija obavljao je niz značajnih poslova:

- pomoćnik Generalnog sekretara Ujedinjenih nacija i Specijalni savjetnik Generalnog sekretara Kofija Anana;
- Gostujući predavač - diplomata pri Vijeću za inostrane poslove u New York-u;
- Član Odbora Međunarodne krizne grupe, a kasnije njegovog Savjetodavnog vijeća;
- Član Upravnog odbora Međunarodnog instituta za mir u New York-u;
- Član Upravnog odbora Asocijacije ujedinjenih nacija SAD-a;
- Međunarodno savjetodavno vijeće Univerziteta Brandeis (Centar za etiku i javne politike);
- član Odbora Instituta Amerikâ, Univerzitet California, San Diego;
- Savjetodavni odbor Škole za međunarodne usluge pri Američkom univerzitetu (American University) u Washington-u;



## **Ambassador Diego Arria - Biografija**

- Savjetodavni odbor "Sloboda sada" (Freedom Now);
- Član odbora Muzeja umjetnosti i dizajna (MAD) u New York-u;
- Predsjedavajući Savjetodavnog odbora Athelera d.o.o., investicijske finansijske grupacije u New York-u.
- Počasni član Vijeća Kongresa bošnjačkih intelektualaca BiH (2020.god)

U 2020. godini završio je knjigu (koja će se objaviti u 2021. godini) koja je posvećena odnosu UN-a I velikih svjetskih sila prema BIH u period njenog međunarodnog priznanja.

Dobitnik je niza priznanja i nagrada:

Iz Venecuele:

Order of Libertador Simon Bolivar First Class

Cross of the Armed Forces First Class as well as from the Navy and the Air Force. All First Class

Order Diego de Losada of Caracas first class

Metropolitan Police. First class award

Međunarodna:

City of Bogota , City of New York and City of Quito awarded city keys

Chile: First Class Gran Cruz of Order of Bernardo O'Higgins. highest award

Argentina : Order of Libertador San Martin in first class highest award

El Salvador: Orden Naciona José Matias Delgado. First Class. highest award

Danas živi i radi u New Yorku, SAD.

Mail: diego.arria@gmail.com



## Obrazloženje prijedloga za priznanje Počasni građanin Grada Sarajevo

Ambasador Diego Arria

Ambasador Diego Arria tokom 1992. i 1993. godine bio je stalni predstavnik Venecuele pri Ujedinjenim nacijama. Obavljao je funkciju predsjedavajućeg Vijeća Savjeta sigurnosti UN u martu 1992. godine za iznimnim diplomatskim iskustvom. Svjedočio je međunarodnom priznanju Republike Bosne i Hercegovine 22.05.1992. godine, te bio aktivan sudionik svih dešavanja koje su se odvijale u tim turbulentnim vremenima u UN-u koja su se odnosila na bivšu Jugoslaviju i Bosnu i Hercegovinu. Okolnosti i međunarodne aktivnosti koje su se dešavale u UN-u oko Bosne i Hercegovine, kako je sam kasnije svjedočio, ostavile su dubok trag na njegovu profesionalnu karijeru ali i na ono što se kolokvijalno naziva međunaorno pravni poredak i jednakost država članica u UN.

Njegova uloga u borbi za ostvarivanje prava Bosne i Hercegovine kao punopravne članice UN-a najjasnija je kroz izjave i svjedočenja tadašnjeg ambasadora RBIH u UN-u **ambasadora Muhameda Šaćirbegovića (Mo)**:

*„Nakon što je BiH pristupila Ujedinjenim nacijama kao država članica, određene stalne članice Vijeća sigurnosti i ostali su i dalje nastojali da minimiziraju status i pravo glasa naše Republike. Ambasador Diego Arria i ja (Ambasador Muhamed Sacirbey) smo se prvi put sastali nakon što je BiH pristupila UN-u. Diego je ukazao na nastojanja da se BiH oduzme pravo glasa i status prilikom učešća u debatama o vlastitoj budućnosti u Vijeću sigurnosti UN-a. To se nastavilo 2-3 mjeseca nakon pristupanja učinkovitim stavljanjem veta na sve javne debate o BiH u kojima je sudjelovalo više od 15 članica Vijeća sigurnosti UN-a. Diego je potom preuzeo obavezu da prvo ukaže na to da se BiH oduzima pravo glasa a potom je na otvorenim sastancima Vijeća sigurnosti UN-a čitao govore ambasadora Muhameda Sacirbeya, barem dok ambasador BiH ne bude imao priliku da se lično izjasni kao stalni predstavnik BiH.*

Diego je također preuzeo obavezu da organizuje sastanke nekih članova Vijeća sigurnosti UN-a, ako bi ostali pravosnažni članovi ulagali veto na dokaze/svjedočenja koja bi se predstavljala cijelom Vijeću na redovnim sastancima. To je postalo poznato kao „Arria Formula“ i danas se primjenjuje kao alternativno rješenje u slučaju oduzimanja prava glasa u Vijeću sigurnosti UN-a. Prvi sličan "sastanak" su Diego i Mo organizovali za Fra Jozu Zovka, kad je posjetio NYC u maju/junu 1992. godine. To je bilo ključno za sprječavanje narativa da je rat u BiH bio rat „muslimana protiv hrišćana“- što je bila ciljana propaganda Miloševića i Karadžića i služilo kao opravdanje za agresiju i genocid.

U proljeće 1993. godine je opstanak Srebrenice bio ugrožen, kao i cijela rasprava o uspostavljanju „sigurnih zona“ UN-a. To je bila kompleksna i dugotrajna debata u kojoj su Diego i Mo blisko koordinirali, koja se održavala i jedne naročito kasne večeri zapamćene po pomračenju mjeseca i napadu na Srebrenicu. Simbolična i funkcionalna Diegova nastojanja u ime Srebrenice su obilježena terenskom posjetom koju je



*organizovao Diego (gdje se Mo pojavio kao pratnja u svojstvu ambasadora domaćina). Nakon što su ambasadora BiH, Sacirbeya, službenici UN-a u Zagrebu spriječili da sa ambasadorima Vijeća sigurnosti UN-a doputuje u Srebrenicu, ambasador Arria i grupa su sletjeli u Srebrenicu i kasnije se sastali sa Miloševićem, što je makar trenutačno spriječilo dalje napade na Srebrenicu. Za BiH u Vijeću sigurnosti nije bilo većeg prijatelja tokom njegovog mandata. Diegu su upućene prijetnje zbog njegovog diplomatskog prijateljstva sa BiH, uključujući posjete (demarše) iz UK-a upućene njegovom predsjedniku u Venezuelu. Diego je ostao pri svom stavu, ali je u konačnici odstupio sa pozicije krajem ljeta 1993. godine. Ovo je samo sažetak posvećenog i izuzetno važnog rada ovog prijatelja Bosne i Hercegovine tih prvih godina, koji se nastavio i kasnije.“*

Ambasador Arria jasno je i nedvosmisleno iznosio stavove u Vijeću sigurnosti UN-a, i suprotstavljao se narativima koji su dolazili od ambasadora iz UK, Rusije, Francuske prije svih, da se u Bosni i Hercegovini odvija građanski rat sa vjerskim pozadinama. Jasno je iznosio stavove da to nije tačno i da je Republika Bosna i Hercegovina izložena direktnoj agresiji koja dolazi iz Srbije.

Ambasador Arria, koji je bio inicijator i šef delegacije Vijeća sigurnosti UN koja je u aprilu 1993. godine posjetila Sarajevo I Srebrenicu. Susret u opkoljenom Sarajevu sa tadašnjim predsjednikom Predsjedništva RBiH Alijom Izetbegovićem u zgradи Predsjedništva na njega je ostavio neizbrisivi trag, a emocije I poruke tg susreta opisao je u svojoj knjizi posvećenoj tragediji I nepravdi koja je Bosni I Hercegovini urađena od strane "vodećih evropskih centara moći" I na koncu svjetske diplomatiјe olicenu kroz organizaciju UN-a.

U svojoj knjizi je opisao da se Srebrenici odvijao "usporeni snimak genocida", prvog poslije Drugog svjetskog rata na tlu Evrope. Ambasador Arria bio je prvi svjestki zvaničnik koji je jasno u označio zločine u Bosni kao zločin genocida. Arria je tih tragičnih 90-tih bio ljepše lice i savjest političkog svijeta, opozicija velikim silama čije je lidere bez ustezanja prozivao zbog kašnjenja intervencije u Srebrenici. Zbog svoje predanosti i naprsto poštenih, ljudskih stavova, postao je planetarno poznat tokom agresije na BiH.

Osamnaest godina poslije genocida u Srebrenici Arria je otvoreno i emotivno govorio o igrama velikih sila oko Srebrenice:

*"Upozorio sam Vijeće sigurnosti UN-a da se jedna velika tragedija sprema pred očima UNPROFOR-a i velikih zemalja koje su znale u potpunosti moguća pogubna predviđanja ljudi koji su se nalazili u enklavi. Ustvari, mi smo se sastali sa Radovanom Karadžićem nakon napuštanja Srebrenice i izvjestili smo Vijeće sigurnosti, u izvještaju koji smo pripremili, da se od tog luđaka sve može očekivati. Nikada nisam zaboravio da sam u toku našeg boravka tamo, u Srebrenici, sakupio jednu grupu ljudi i rekao im: "Ja sam ovdje sa svojim prijateljima iz Francuske, Pakistana, Rusije, Mađarske i Novog Zelanda i mi predstavljamo najvažnije političko tijelo na svijetu kako bi osigurali da vi*

*budete zaštićeni. Trinaest mjeseci nakon tog sastanka desio se genocid! Taj događaj je jedan od najtežih u mom životu i zato želim da pričam svijetu o tome, da svi znaju pravu istinu*", kazao je Arria za agenciju Anadolija sjećajući se svoje posjete Srebrenici.

Na pitanje ko je najodgovorniji za sudbinu Srebrenice, Arria, netipično za diplomate, bez ustezanja odgovara: *"Prije svega za genocid u Srebrenici su najodgovorniji Vijeće sigurnosti UN-a, Velika Britanija, Francuska i Rusija koje su uradile sve kako bi zaštitili srpsku stranu koja je kontrolirala događaje u tom gradu. Nema sumnje da je generalni sekreterijat UN-a odobrio takav stav. Svi su dobro znali šta se dešava na terenu i izabrali su da slijede put dodjeljivanja humanitarne pomoći, a ne zaštite BiH, jedne zemlje članice koja je tek postala dio UN-a kao nezavisna zemlja. I sve se u Srebrenici desilo samo nekoliko mjeseci nakon što je prihvaćena podjela BiH po etničkim i vjerskim linijama. Tako je stvoren pravi apartheid u srcu Evrope"*, konstatirao je on.

Bosnu i Hercegovinu je nakon agresije posjetio nekoliko puta i učestvovao u međunarodnim naučnim konferencijama u BiH o genocidu i zločinima protiv čovječnosti i međunarodnog prava. Na desedogodišnjicu obilježavanja genocida u Srebrenici bio je, zajedno sa Samanthom Power (dubitnicom Pulicerove nagrade u SAD, i kasnije ambasadorkom SAD u UN), key note speaker na konferenciji o genocidu u Sarajevu na kojoj je učestvovalo više od 200 najznačajnijih istraživača genocida iz cijelog Svilja. Njegove poruke i stavovi iz te 2005. godine bile su najjasnije i najznačajnije poruke nekog stranog diplomata o zločinima protiv Bosne i Hercegovine i posebno njenog Bošnjačkog naroda.

Tokom svog angažmana u UN-u predvodio je nesvrstane članice Vijeća sigurnosti u promoviranju Rezolucije 819 i 824 UN-a o sigurnim zonama u BiH. Uz Pakistan su bile samo dvije zemlje koje su glasale protiv Rezolucije 836 obzirom da je u pitanju bila šarada koja ne bi zaštitila sigurne zone, kao što se nažalost u konačnici i pokazalo. Upravo zbog iznimnog zalaganja ambasadora Arrie za primjenu međunaordnog prava, kao i konzumaciju prava koja ima svaka država članiva UN-a, a koja su Bosni i Hercegovini bila uskraćena, tadašnji predsjednik Predsjedništva RBIH Alija Izetbegović uputio je pismo tadašnjem (1993. godine) novom predsjedniku Venezuele:

*„UJEDINJENE NACIJE, 23. avgusta (UPI) - Predsjednik Bosne Alija Izetbegović napisao je novom privremenom predsjedniku Venecuele Ramónu Velásquezu da mu je Venezuela postala međunarodna savjest u slučaju bivše Jugoslavije i traži od njega da da venecuelanski veleposlanik Diego Arria nastavi sa svojim položajem do 31. oktobra kako bi ponovo mogao biti predsjednik Vijeća.*

*U neobičnom pismu se kaže da je Arria ojačala vodeću poziciju Latinske Amerike u promicanju načela zakonitosti i pravde za svoj vrijedan položaj i visoke principe u vezi s agresijom na Republiku Bosnu i Hercegovinu. Venezuela je preuzeila vodeću ulogu u*



*ovom kritičnom slučaju i sada se smatra "aktivnom savješću međunarodne zajednice". Bez pozitivnog djelovanja Venezuela, Bosni i Hercegovini, a vjerujem i ostatku međunarodne zajednice, bilo bi mnogo gore ".*

*Bosanski predsjednik dodaje da je na rukovodećem položaju Venezuela ambasador Diego Arria bio presudan element, uspio je okupiti zemlje Istoka i Zapada, Sjevera i Juga, muslimane i kršćane, zasnivajući svoj čvrst stav na univerzalnim principima, na mjesto uskih političkih razmatranja. Bosanci se "osjećaju tužno i iskreno uplašeni odlaskom ambasadora Arria, posebno u tako kritičnom trenutku". Kontinuitet njegovog vođenja i njegovo vladanje problemima bili bi od vitalnog značaja ovog septembra kada će se Vijeće sigurnosti i njegov predsjednik morati suočiti s toliko bitnih pitanja za opstanak i mir u Bosni. Utješit će me da vidim ambasadora Arriju kao predsjednika Vijeća za to vrijeme, pa bi odlaganje njegovog penzionisanja do oktobra bila vrlo dobrodošla od strane Republike Bosne i Hercegovine. Predsjednik Izetbegović navodi da će se mirovni pregovori u Ženevi nastaviti u septembru u sjedištu UN-a i da planira boraviti u New Yorku ovog mjeseca. „Osjećam se sigurnije i pouzdanije kad znam da će ambasador Arria u to vrijeme predsjedavati Vijećem.“ Izetbegović izjavljuje Velásquezu da je „njegova voljnost da odgodi (Arrijev) odlazak do oktobra itekako dobrodošla.“*

### ***Svjedočenje protiv Slobodana Miloševića u Haškom Tribunalu***

Uslijed svojih intervencija u Sigurnosnom vijeću UN-a, ambasador Arria je zamoljen da svjedoči protiv Slobodana Miloševića ispred Međunarodnog krivičnog suda za bivšu Jugoslaviju, što je i ostvareno 10. februara 2004. godine. Ambasador Arria je ustvari bio jedan od sponzora za osnivanje suda ICTY.

<https://www.brandeis.edu/ethics/news/2004/2004.Feb.12.html>

AMBASADOR DIEGO ARRIA JE IZJAVIO PRED MEĐUNARODNIM KRIVIČNIM SUDOM ZA JUGOSLAVIJU (MKSJ) DA JE MILOŠEVIĆ BIO SVJESTAN 'SPOROG GENOCIDA'

*U nastavku se navodi članak iz Koalicije za međunarodnu pravdu kojem se citira član odbora Centra Diego Arria.*

*Koalicija za međunarodnu pravdu / Judith Armatta, 12. februar 2004. godine*

HAG – Navodeći pogrešno navođenje informacija, zataškavanje i uskraćivanje informacija u Ujedinjenim nacijama, stalni predstavnik Venezuela pri UN-u tokom rata u Bosni i Hercegovini, Diego Enrique Arria, je izjavio Vijeću suda u slučaju Milošević da je nedjelovanjem Ujedinjenih nacija u kontekstu poduzimanju aktivnosti protiv etničkog čišćenja bosanskih Srba stvorena klima nekažnjavanja koja je omogućila usporeni genocid protiv Bosanskih Muslimana u Srebrenici od 1993. do kulminiranja 1995. godine. Posvjedočio je da je „kultura nekažnjavanja“ počela kad je zamjenik premijera Bosne ubijen ispred trupa UNPROFOR-a i potom pitanju ništa nije poduzeto. To je naglašeno svaki put kad je UN primio izvještaj o etničkom čišćenju i zločinima protiv Bosanskih Muslimana na koji nije dostavljen odgovor. Ambasador Arria je izjavio pred Sudom da su neke od članica UN-a primjenjivale dvostrukе standarde jer su odobrile intervenciju UN-a da zaštititi Kuvajt te da nisu ništa poduzele da zaštite Bosnu. Izjavio je da su se plašili prisustva muslimanske



nacije u srcu Evrope. Muhamed Sacirbey, predstavnik BiH pri UN-u, je u svojim pismima UN-u izjavio da su njegove pritužbe „gotovo u potpunosti zanemarene“. U UN-u je vladala „atmosfera poricanja“ po pitanju onoga što se dešavalo i već bilo općepoznato, izjavio je ambasador Arria.

Svjedočenje ambasadora Arria je važno jer ukazuje na to da je Milošević bio svjestan tragedije koja se odvijala u Srebrenici već 1993. godine, da je osobno znao da se može desiti genocid, kao i informacije da je situacija, koju su izazvali bosanski Srbi i nad kojom je navodno imao kontrolu i vršio utjecaj, u to vrijeme bila nehumana. Iako dokazi o ulozi UN-a u Srebrenici možda nisu direktno relevantni za suđenje, svjedočenje ambasadora Arria je teška optužba protiv međunarodne zajednice koja je tada radila kroz svoje globalno tijelo, UN. Ambasador Arria navodi namjerno pogrešno navođenje informacija kao i ravnodušnost najviših zvaničnika UN-a (i nekih država članica) po pitanju tragedije koja se odvijala u Bosni, koju je tada opisao kao „usporeni genocid“. Uprkos rječitim izjavama „nikad više“ i usvajanju Konvencije kojom su države obvezane da spriječe genocid, suočene sa masovnim zločinima koji su usmjereni prema Bosanskim Muslimanima, institucija koja je osnovana da spriječi ponovna masovna ubistva je namjerno zanemarena. Kao jedan od rijetkih čiji su postupci bili drugačiji, ambasador Arria zasluguje svaku pohvalu. Još važnije, njegove optužbe su prenesene globalnoj zajednici – ne da bi se narušila institucija nastala iz očajničkih nastojanja da se izbjegnu užasi rata i genocida, već da se unaprijedi kako bi jednog dana ispunila vizije svojih stvaraoca.

Nakon završetka debate i usvajanja rezolucije, ambasador Arria je predvodio misiju Vijeća sigurnosti u posjeti Srebrenici. Izjavio je da je „razumio zašto je UN oklijevao da pošalje misiju bilo gdje: jer misije otkriju istinu“. Arria tvrdi da su se službenici i vojnici VRS sa jedne strane, i komandant UNPROFOR-a brigadir Hays sa druge strane, međusobno natjecali kako bi spriječili da misija otkrije istinu o Srebrenici. Arria je izjavio da mu je brigadir Hays rekao da su, što se njega tiče, „Rezolucije Vijeća sigurnosti nevažne.“ Dalje je pitao sud, „Možete li zamisliti šta su Srbi mislili o ovim rezolucijama?“

U njegovom izvještaju za Vijeće sigurnosti kojeg je podnio po povratku u New York, ambasador Arria je opisao situaciju u Srebrenici kao „usporeni genocid“ a osvojenu enklavu kao „koncentracioni logor UNPROFOR održava red“. U svom izvještaju je također upozorio na „potencijalni masakr u kojem bi moglo stradati 25.000 žrtava“. Danas je kao odgovor na pitanje tužitelja, Arria izjavio da je već tada „bilo jasno da je bilo pitanje vremena kad će doći do masakra“, odnosno kad će „usporeni genocid“ postati „stvarni genocid“. Kako je dodao, Ujedinjene nacije nisu bile voljne da učine nešto kako bi se to spriječilo.

### ***Svjedok odbrane u Hagu u slučaju Nasera Orića***

Ambasador Arria bio je i svjedok odbrane u ICTY u predmetu koji se vodio protiv Nasera Orića 2005. godine.



*Ranije ove sedmice, Arria, bivši ambasador Venezuele u Ujedinjenim nacijama, je predstavio jednako sumornu sliku života u Srebrenici. Tokom njegove posjete u aprilu 1993. godine, nakon što je proglašena „sigurnom zonom“ Ujedinjenih nacija, Arria je izjavio da je Srebrenica „slika potpune devastacije i tuge“. Arria je također sa prezirom posmatrao učešće međunarodne zajednice u sukobu u Bosni i optužio mirovne snage na području Srebrenice, za koje je tvrdio da su na strani Srba, da su dopustile da se desi „usporeni genocid“. Od ranih faza je postalo jasno, kako je izjavio, „da međunarodna zajednica neće pomjeriti prstom da im [Bosanskim Muslimanima] pomogne i da im neće dozvoliti da se brane“.*

### ***Prilozi i izvodi iz svjetskih medija o ulozi Diega Arrie***

„Suučesnici zla“: Ujedinjene nacije u moderno doba

napisao Adam LeBar (autor)

Uloga Arria je predstavljena na više stranica

Za New York Times piše Paul Lewis

26. april 1993. godine

Misija Vijeća sigurnosti Ujedinjenih nacija je posjetila muslimansku enklavu, Srebrenicu, pod opsadom u Bosni danas i naknadno ju opisala kao „otvoreni zatvor“ u kojem su srpske snage planirale „usporeni genocid“.

Predstavnik Venezuele pri Ujedinjenim nacijama, Diego Arria, koji predvodi misiju Vijeća sigurnosti, je izjavio da je Srebrenica daleko od „sigurne zone“ koju Vijeće želi da uspostavi, iako je prekid vatre i dalje bio na snazi.

Izjavio je da su srpske nacionalističke snage učinkovito držale Srebrenicu pod kontrolom i da su prekršile odredbe jer su timu stranih korespondenata koji su pratili misiju zabranile ulazak u grad. Također su isključili vodu i struju gradu, te tako uzrokovali opasnost od izbijanja epidemije, izjavio je gosp. Arria.

Službenik UN-a izjavljuje za N1: Upozoravao sam na genocid, a u UN-u su smatrali da pretjerujem

Izvještaj Vijeća sigurnosti UN-a kojeg je objavila misija u Bosni predvođena ambasadorom Arrijem

[https://www.securitycouncilreport.org/atf/cf/{65BFCF9B-6D27-4E9C-8CD3-CF6E4FF96FF9}/s\\_25700.pdf](https://www.securitycouncilreport.org/atf/cf/{65BFCF9B-6D27-4E9C-8CD3-CF6E4FF96FF9}/s_25700.pdf)

Sarajevo, 11.01.2021. godine



Broj:02-01/21  
Datum: 15.01.2021. godine

**Vijeća Kongresa bošnjačkih intelektualaca  
Valtera Perića 13 , 71000 Sarajevo**

**PREDMET:** Podrška


Poštovani,

Srpsko građansko vijeće Pokret za ravnopravnost u Bosni i Hercegovini daje punu podršku inicijativi Vijeća Kongresa bošnjačkih intelektualaca da se ambasador Diego Arria nominuje za priznanje Počasni gradanin Grada Sarajeva.  
Ambasador Diego Arria dobro poznaje političke i druge prilike u Bosni i Hercegovini i, kako kroz svoja autorska djela, tako i neposrednim angažovanjem lično je dao i daje nesebičan doprinos sveukupnom društvenom, političkom, ekonomskom i drugom razvoju Bosne i Hercegovine.

S poštovanjem,

Potpričnjak SGV-PR u BiH  
Rajko Živković





*Hrvatsko  
Narodno  
Vijeće BiH*

*Sarajevo*

Hamdije Kreševljakovića 3

71000 Sarajevo –BiH

tel./ fax 00387-33-220-765; [hnv.sa@bih.net.ba](mailto:hnv.sa@bih.net.ba); [www.hn.ba](http://www.hn.ba)

---

Broj:02--II-01-19/21

Sarajevo, 19.01.2021.

**VIJEĆE KONGRESA BOŠNJAČKIH INTELEKTUALACA**  
**Valtera Perića br.13**  
**Sarajevo**

**PREDMET: Podrška inicijativi VKBI-a**

Poštovani,

Hrvatsko narodno vijeće u Bosni i Hercegovini u potpunosti daje podršku inicijativi Vijeća kongresa bošnjačkih intelektualaca da se **ambasador Diego Arria** nominuje za priznanje Počasni građanin Grada Sarajeva.

Ambasador Diego Arria kroz svoj neposredni i lični angažman daje nesobičan doprinos sveukupnom društvenom, političkom, ekonomskom i drugom razvoju Bosne i Hercegovine.

S poštovanjem,



Predsjednik HNV BiH  
dr.sc. Marijo Pejić v.r.



Društvo za ugrožene narode  
Odjeljenje za Bosnu i Hercegovinu

Trampina 4/IV  
71000 Sarajevo

Sarajevo, 15.01.2021.godine

**Podrška kandidaturi ambasadora Diega Arrie za priznanje  
Počasni građanin Grada Sarajeva**

Društvo za ugrožene narode za Bosnu i Hercegovinu daje punu podršku prijedlogu Vijeća Kongresa bošnjačkih intelektualaca za nominaciju ambasadora Diega Arrie za priznanje Počasni građanin Grada Sarajeva.

Naša organizacija koja se bori za ljudska prava je internacionalne provenijencije. Borimo se protiv protjerivanja i diskriminacije te za ravnopravnost svih gradana i gradanki bez obzira na nacionalnu i vjersku pripadnost. Zalažemo se za hapšenje i kažnjavanje svih onih koji su počinili ratne zločine. Pomažemo žrtvama torture, progona i silovanja te sarađujemo sa domaćim i međunarodnim sudovima.

U našem radu sa žrtvama često smo imali čast da suradujemo s ambasadorom Diegom Arriem koji se uvijek svesrdno zalagao za ostvarenje pravde, pomoći preživjelim žrtvama genocida i zločina protiv čovječnosti te sankcionisanje odgovornih za najteže zločine počinjene u Bosni i Hercegovini 1992-1995.godine.

Nalazimo da je rad i angažman ambasadora Arrie u zaštiti onih čija su ljudska prava ugrožena, zasluzio priznanje i nadamo se da će ga Uprava Grada Sarajeva imenovati Počasnim građaninom Grada Sarajeva.

S poštovanjem,

Belma Zulčić  
Direktorica Društva za ugrožene narode za BiH

Gesellschaft für bedrohte Völker

Society for Threatened Peoples

Association pour les Peuples Menacés

Asociación para la defensa de los pueblos amenazados

Associazione per i Popoli Minacciati

Ассоциация по защите  
репрессированных народов

الجمعية العالمية للشعوب المهددة

为面临威胁民族的组织

Uluslararası Magdur Halkları  
ve Azınlıkları Koruma  
Organizasyonu

NGO in consultative status  
(Category II) with the Economic  
and Social Council (ECOSOC)  
of the United Nations

Društvo za ugrožene narode  
Trampina 4/IV  
71000 Sarajevo  
Bosna i Hercegovina  
tel: ++ 387 33 - 213 707  
fax & phone messages/  
telefonske poruke:  
++ 387 33 - 213 709

e-mail:  
[gfbv\\_sa@bih.net.ba](mailto:gfbv_sa@bih.net.ba)  
homepage:  
[www.gfbv-sa.com.ba](http://www.gfbv-sa.com.ba)

Vijećnici Gradskog vijeća Grada Sarajeva koji su podržali prijedlog da se ambasadoru Diego Arrii dodijeli priznanje Počasni građanin Grada Sarajevo

Lazović Miro

Miladin Almedin

Biber Bajro

Grebović Nuko

Sarajevo, 19.01.2021. godine

